

INUIT ATAQATIGIIT

Inatsisartuni



8. januar 2021

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Atorfinitsitsinermut uppersaat pillugu inatsisiliornissamik Naalakkersuisut pilersaaruteqarpat?**
 - a. Taamaassimappat; inatsisissatut siunnersuut qaqugu saqqummiutissallugu Naalakkersuisut pilersaaruteqarpat?**
 - b. Taamaassimangippat; tamatumunnga suna patsisaava?**
- 2. Atorfinitsitsinermut uppersaat Nunatsinnut atuuttoq pillugu apeqqummut paasissutissanik attuumassuteqartunik allanik Naalakkersuisut saqqummiussassaqaqarpat?**

(Inatsisartuni ilaasortaq Sofia Geisler, Inuit Ataqatigiit)

Tungavilersuut:

Paasinninnera naapertorlugu atorfinitsitsinermi uppersaammik Qallunaat Nunaat 2002-imi atuuttussanngortitsivoq, EU-mi inatsisinut naapertuuttumik ingerlatsineq qulakkeerniarlugu. Qallunaat Nunaanni atuuttup atorfinitsitsinermi uppersaatip sulisitsisut ilaatigut pisussaaffilerpai ilisimatitsisussaataitanermik, sulisorisat akissarsiatigut atorfeqartitaanikkullu atugassarisaasa nalornissutaasinnaaneranik annikillisaataasumik.

Inatsisit Nunatsinni atuuttut nunani allani, soorlu Qallunaat Nunaanni EU-milu, inatsisinik atuuttunik aallaaveqartarput. Taamaattumik paaserusuppara Naalakkersuisut eqqumaffiginneraat atorfinitsitsinermi uppersaatit pillugit Nunatsinni inatsiseqannginnerata suna ajoqutiginneraa, tamannalu Naalakkersuisut qanoq iliuuseqarfiginiarneraat.

Kissaatigivara apeqqutikka ullut suliffiusut qulit qaangiutinnginneranni akineqarnissaat.